

## LECTIO PRIMA CAPITVLI QVARTI



*Vrsus et Dāuus in thermopōliō oppidī Tūsculī sunt. Aulus Paulīnus quoque adest. Abest lūlius, dominus seruōrum.*

*Vrsus Porcium pulsat, quia is uirum ēbrium pulsat. Sed cūr pulsat Porcius Terentium, uirum ēbrium? Quia is cantat.*

*Dāuus dominum suum lūlium, quī in thermopōliō non adest sed quoque in oppidō Tūsculō est, uocat.*

**Dāuus:** Venī, domine!

*lūlius eum audit et uenit. lūlius interrogat.*

**lūlius:** Cūr mē uocat seruus meus Dāuus?

**Dāuus:** Saluē, domine.

*Dāuus dominum suum salūtat neque respondet. Aulus Paulīnus respondet.*

**Aulus Paulīnus:** Quia seruus tuus improbus uirum rōmānum pulsat.

**Iūlius:** Quid? Pulsatne Dāuus uirum rōmānum?

**Aulus Paulīnus:** Nōn Dāuus, sed Vrsus quoque seruus tuus uirum rōmānum pulsat. Iam uirī oppidī Tūsculī īrātī sunt, quia seruus barbarus uirum rōmānum pulsat.

*Iūlius Paulīnum audit et īrātus respondet.*

**Iūlius:** Dominus ēius quoque īrātus est.

**Dāuus:** Paulīne, dominus meus nōn tē, sed mē interrogat.

**Iūlius:** Respondē, Dāue. Quem pulsat Vrsus? Cūr Vrsus eum pulsat?

**Dāuus:** Porcium pulsat Vrsus, quia is improbus est. Porcius sōbrius Terentium ēbrium pulsat, quia is cantat.

**Iūlius:** Quid? Pulsatne Porcius uirum ēbrium tantum quia cantat? Is improbus uir est. Seruus meus nōn improbus est, quia uirum improbum pulsat. Iam discēde, Vrse, bone serue.

*Iulius iam non iratus sed laetus est, quia bonum et probum seruum habet.*

**Aulus Paulīnus:** Audī, Iūlī! Porcius improbus est, quia uirum ēbrium pulsat, sed quoque uir rōmānus est. Vir, quī eum pulsat, seruus est... et barbarus.

*Iūlius Porcium uidet et interrogat.*

**Iūlius:** Ecce baculum meum. Ecce sacculus meus plēnus nummōrum. Quid Porcius sūmit?

*Porcius uidet in mēnsā thermopōliī baculum et sacculum Iūliī. Neque is baculum eius sūmit et Vrsus uerberat. Pecūniam, quae in sacculō Iūliī est, sūmit et in sacculō suō pōnit. Iam sacculus Iūliī uacuus est. Plēnus nummōrum est sacculus Porciī, quī laetus discēdit.*